

IX RADNA SJEDNICA UPRAVNOG ODBORA
Javne ustanove Bosansko narodno pozorište Zenica

Z A P I S N I K

MJESTO: **zgrada Javne ustanove Bosansko narodno pozorište Zenica,**
 Trg Bosne i Hercegovine broj 3, Zenica,
 II sprat, Kancelarija broj 45
DATUM: **ponedjeljak, 13. 11. 2023. godine**
VRIJEME: **16.15 h**

Sjednici prisustvuju:

1. dipl. pravnik **Una Kulenović**, predsjednica
2. dipl. profesor **Aldina Aganović**, članica
3. dipl. glumac **Adis Mehanović**, član

ZAPISNIČARKA:

4. **Selma Tabaković-Jašar**, voditeljica Pravne službe JU BNP Zenica.
Sjednici, po službenoj dužnosti, prisustvuje i direktor BNP Zenica, **Miroljub Mijatović**.

Dnevni red:

1. Usvajanje Zapisnika sa 8. radne sjednice;
2. Kraći izvještaj o realiziranim i programsko-poslovnim aktivnostima u pripremi, te međunarodnim i domaćim gostovanjima JU BNP Zenica – *izvjestilac*: direktor JU BNP Zenica;
3. Prijedlog za donošenje akta – Pravilnik o naknadi radnika za autorski rad, kao i za obavljanje izvođačkih poslova izvan opisa poslova svog radnog mjesta – *izvjestilac*: direktor JU BNP Zenica;
4. Inicijativa za utvrđivanje uvećanja plaće za radnike na radnom mjestu *dramski umjetnik – glumac*, u odnosu na mjesečni broj odigranih predstava – *izvjestilac*: direktor JU BNP Zenica;
5. Informacija o rezultatu objavljenog Javnog oglasa za davanje u zakup prostora *Kabare kluba*;
6. Informacija o provedenom postupku nabavke vanjskog LED reklamnog ekrana - *izvjestilac*: direktor JU BNP Zenica;
7. Informacija o objavljenom Javnom oglasu za prijem radnika na radno mjesto *dramaturg* – *izvjestilac*: direktor JU BNP Zenica;
8. Inicijativa za izmjenu i dopunu Pravilnika o postupku i kriterijima prijema radnika u radni odnos u JU BNP Zenica u skladu sa izmjenama i dopunama Uredbe o prijemu u radni odnos u javnom sektoru u ZDK;
9. Razno.

- **Usvajanje Zapisnika sa 8. radne sjednice;**

ZAKLJUČAK: Upravni odbor JU BNP Zenica jednoglasno usvaja Zapisnik sa osme radne sjednice, koji je prethodno dostavljen elektronskim putem.

2. **Kraći izvještaj o realiziranim i programsko-poslovnim aktivnostima u pripremi, te međunarodnim i domaćim gostovanjima JU BNP Zenica – *izvjestilac*: direktor JU BNP Zenica;**

U okviru ove tačke dnevnog reda direktor JU BNP Zenica dostavlja informacije:

- ansambl predstave „Moja fabrika“, sa učešćem 32 osobe, uspješno je gostovao u Berlinu, Republika Njemačka u periodu od 01. do 05. 10. 2023. godine, što je prethodno regulisano ugovorom između Maksim Gorki Theatre i BNP Zenica. Troškovi međunarodnog gostovanja u cjelosti su obezbijeđeni od strane organizatora i realizirani su u skladu sa potpisanim ugovorom. Kao što može potvrditi i Adis

M., član Upravnog odbora i jedan od članova ansambla ove predstave, ovo je bilo jedno jako lijepo gostovanje.

- u mjesecu septembru dogovorena je saradnja sa Kamernim simfonijskim orkestrom o realizaciji mjesečnih koncertnih aktivnosti. Jedna od tih je koncertna aktivnost - nastup ansambla violančelista, u okviru programa međunarodne teatarske manifestacije *Noć teatra BiH 2023.* u subotu, 18. 11. 2023. godine, uz premijernu izvedbu predstave za djecu „Ptica od pijeska“ autora Benjamina Bajramovića i u režiji Ajle Bešić u 11 sati te izvedba predstave „Tri dana“ u režiji Tanje Miletić-Oručević u 20 sati. JU BNP Zenica je predvidjelo da obezbijedi besplatan ulaz za penzionere na izvedbu predstave „Tri dana“ te je povodom toga kontaktirano Udruženje penzionera i dvije ustanove.

U ovogodišnjoj Noći teatra BiH 2023., učesće je ostvarilo 15 gradova, 20 organizacija/ustanova sa ukupno 28 programa.

Što se tiče finansijskog dijela organizacije ove manifestacije, troškovi nisu veliki i odnose se najvećim dijelom na pripremu i prinatanje reklamnih banera, kataloga, plakata za potrebe internetske marketing kampanje.

- pred početak rada na novom premijernom pozorišnom projektu „Medeja“ u režiji Stevana Bodrože, realizirane su radionice i predavanja u tri škole na području grada Zenica, JU Prva gimnazija, JU Druga gimnazija i Katolički školski centar.
- krajem mjeseca oktobra 2023. godine u okviru dramsko-pedagoške edukacije, realizirana je posebna radionica pod nazivom *Kamišibaj: Umjetnost pripovijedanja uz pomoć slika*“, sa voditeljicom gošćom iz Hrvatske. U radionici su učestvovali odgajatelji i prosvjetni radnici.

ZAKLJUČAK: Upravni odbor JU BNP Zenica prima na znanje dostavljene informacije u okviru ove tačke dnevnog reda.

3. Prijedlog za donošenje akta – Pravilnik o naknadi radnika za autorski rad, kao i za obavljanje izvođačkih poslova izvan opisa poslova svog radnog mjesta – izvjestilac: direktor JU BNP Zenica;

ZAKLJUČAK: Usvaja se usaglašeni prijedlog Pravilnika o naknadi radnika za autorski rad, kao i za obavljanje izvođačkih poslova izvan opisa poslova svog radnog mjesta, prethodno dostavljen na uvid članovima Upravnog odbora JU BNP Zenica.

4. Inicijativa za utvrđivanje uvećanja plaće za radnike na radnom mjestu *dramski umjetnik – glumac*, u odnosu na mjesečni broj odigranih predstava – izvjestilac: direktor JU BNP Zenica;

Direktor JU BNP Zenica dostavlja inicijativu Upravnom odboru JU BNP Zenica za utvrđivanje glumačke norme mjesečno odigranih predstava radi regulisanja povećanja plaće od 2,5 % za one dramske umjetnike-glumce/ice koji ostvare veću normu, odnosno za svakih najmanje 5 odigranih izvedbi predstava, u mjesecu februaru 4. Radi se o načinu povećanja plaće koji se primjenjivao u jednom od ranijih perioda rada. U svrhu obračuna navedenog povećanja pripremao bi se poseban izvještaj sa podacima o broju odigranih predstava.

U prethodnom mjesecu imali smo glumca i glumicu koji su imali 13 izvedbi predstava, te je odlukom direktora propisana odluka o dodjeli stimulativnog dijela na plaću.

Direktor JU BNP Zenica ističe da se za odluku za nagrađivanje radnika i dodjelu stimulativnog dijela na plaću, donosi uglavnom na osnovu prijedloga neposrednog rukovodioca te smatra da se navedene odluke takođe trebaju objavljivati na oglasnoj ploči JU BNP Zenica.

Predsjednica Upravnog odbora Una K., skreće pažnju da se i u okviru izvještaja o broju odigranih predstava koji je prethodno pomenut kao osnova za utvrđivanje uvećane plaće, ujedno obrati pažnja i na radnike koji imaju manji radni učinak, radi postupanja i u tom slučaju.

Član Adis M. je saglasan i predlaže da za dramskog umjetnika – glumca/icu u onim slučajevima kada ne postupi prema datom radnom zadatku na odgovarajući način ili slično, da o tome svakako postoji zabilježena izjava.

Direktor JU BNP Zenica ističe takođe da je za svako dosadašnje postupanje koje eventualno može biti nedogovarajuće prema datoj radnoj obavezi ili zadatku, tražena dostava pisane izjave od tog radnika ili radnice.

ZAKLJUČAK: Upravni odbor daje načelno saglasnost za provedbu predložene inicijative u okviru radne prakse JU Bosansko narodno pozorište Zenica, te će se naknadno utvrditi način uvrštavanja u odgovarajući opći akti.

5. Informacija o rezultatu objavljenog Javnog oglasa za davanje u zakup prostora Kabare kluba;

Direktor JU BNP Zenica obavještava članove Upravnog odbora da nije zaprimljena niti jedna prijava povodom objavljenog Javnog oglasa za davanje u zakup prostora Kabare kluba.

U svrhu daljnjeg postupanja daje se na razmatranje da li je nužna ponovna objava javnog oglasa u novinama i da li bi trebalo izmijeniti određene uslove zakupa?

ZAKLJUČAK: Upravni odbor JU BNP Zenica prima na znanje dostavljenu informaciju u okviru ove tačke dnevnog reda te usvaja prijedlog da se prije raspisivanja novog oglasa utvrdi način njegove objave, eventualni novi uslovi zakupa prema prijedlogu Upravnog odbora, što bi bilo i predmet izmjene i dopune Pravilnika o dugoročnom zakupu prostora u JU Bosansko narodno pozorište Zenica. Takođe bit će razmotrene mogućnosti dodatnog oglašavanja, naročito na internetskim portalima aktivnim na području grada Zenica.

6. Informacija o provedenom postupku nabavke vanjskog LED reklamnog ekrana - izvijestilac: direktor JU BNP Zenica

ZAKLJUČAK: Upravni odbor JU BNP Zenica prima na znanje informaciju direktora da je proveden postupak nabavke vanjskog LED reklamnog ekrana putem konkurentskog zahtjeva za dostavu ponuda te da je stigla ponuda jednog ponuđača i za koju je Komisija za javne nabavke utvrdila da odgovara uslovima propisanim u tenderskoj dokumentaciji. Sa izabranim ponuđačem bit će potpisan i ugovor.

7. Informacija o objavljenom Javnom oglasu za prijem radnika na radno mjesto dramaturg – izvijestilac: direktor JU BNP Zenica;

ZAKLJUČAK: Upravni odbor JU BNP Zenica prima na znanje informaciju da je na osnovu prethodno dobivenih mišljenja i saglasnosti nadležnih tijela i organa Zeničko-dobojskog kantona i Saglasnosti osnivača – Grada Zenica, u utorak, 07. 11. 2023. godine objavljen Javni oglas za prijem radnika u radni odnos na radnom mjestu *dramaturg*.

8. Inicijativa za izmjenu i dopunu Pravilnika o postupku i kriterijima prijema radnika u radni odnos u JU BNP Zenica u skladu sa izmjenama i dopunama Uredbe o prijemu u radni odnos u javnom sektoru u ZDK;

ZAKLJUČAK: U skladu sa novom Uredbom o prijemu u radni odnos u javnom sektoru u ZDK sa izmjenama i dopunama („Službene novine Zeničko-dobojskog kantona“, br. 09/23 i 14/23), vrši se izmjena i dopuna Pravilnika o postupku i kriterijima prijema radnika u radni odnos u JU BNP Zenica, br. 931/22. Pravilnik o izmjenama i dopunama Pravilnika o postupku i kriterijima prijema radnika u radni odnos stupa na snagu osmog dana od dana objavljivanja na oglasnoj ploči JU BNP Zenica. Novim odredbama navedene Uredbe propisuje se mogućnost objave obavijesti o raspisivanju javnog oglasa o prijemu radnika u radni odnos, dok se integralni tekst objavljuje na web stranici poslodavca i osnivača-Grad Zenica.

Pri objavi javnog oglasa za prijem radnika na radno mjestu *dramaturg*, primjenjena je prethodno navedena odredba.

9. Razno

Informacija 1: Radi regulisanja otpisa obaveza prema dobavljačima, kao i poreskih obaveza u računovodstvenim evidencijama, donesena je odluka direktora JU BNP Zenica broj: 1059/23 od 10. 11.

2023. godine, kojim se predmetne obaveze nastupanjem zakonske zastare otpisuju u ukupnom iznosu od =21.891,37 KM i isknjižit će se na teret rashoda, odnosno direktno u korist izvora sredstava.

Prije utvrđivanja prijedloga poreskih obaveza za otpis (zaključno sa 2013. godinom), pribavljeno je i Uvjerenje nadležnog kantonalnog poreznog ureda - Porezna ispostava u Zenici, kojim se prema poreznoj evidenciji utvrđuje da JU Bosansko narodno pozorište Zenica nema obaveza, odnosno duga po osnovu javnih prihoda.

Informacija se prima na znanje.

Informacija 2: Direktor JU BNP Zenica obavještava Upravni odbor da je na osnovu prijedloga nadzornog organa – J.P. za prostorno planiranje i uređenje grada „Zenica“ za ugrađivanje snjegobrana na kosinama kubusa tokom izvođenja radova na sanaciji ravnog kroba, upućen zahtjev za saglasnost arhitekti gđin Zlatku Ugljenu te je ista i primljena, uz napomenu da izvođač radova i nadzorni organ odgovaraju za kvalitet izvedenih radova.

Informacija se prima na znanje.

U okviru tačke dnevnog reda – *Razno*, član Adis M. imao je upit u vezi sa provedbom prethodnog oglasa za prijem radnika u radni odnos, radno mjesto *scenski dekorater*, te je direktor JU BNP Zenica odgovorio da je isti uspješno priveden kraju, o čemu je prethodno dostavljena informacija na Upravnom odboru.

Sjednica je zaključena u 17.30 h.

ZAPISNIČARKA

PREDSJEDNICA UPRAVNOG ODBORA JU BNP ZENICA

Selma Tabaković-Jašar

Una Kulenović

Zapisnik je sačinjen na četiri (4) numerirane stranice.

Zenica, 13. 11. 2023. godine

Broj: 1068/23